

Broj: 01-06-06/3-11-3-765/24

Sarajevo, 04. 7.2024.

Na osnovu člana 22. Zakona o unutrašnjim poslovima Federacije Bosne i Hercegovine ("Službene novine FBiH", broj: 81/14) i u skladu sa Zakonom o javnim nabavkama Bosne i Hercegovine („Službeni glasnik BiH“, br. 39/14 i 59/22), federalni ministar unutrašnjih poslova, **d o n o s i**

ODLUKU

o dodjeli ugovora za nabavku strunjača za džudo za potrebe Policijske akademije FMUP-a

I
Na osnovu odredbi člana 64. stav(1) tačka (b), člana 69. stav (1) tačka a) i člana 70. Zakona o javnim nabavkama („Službeni glasnik BiH“, br. 39/14 i 59/22), Odluke o pokretanju postupka javne nabavke strunjača za džudo za potrebe Policijske akademije FMUP-a broj: 01-06-06/3-11-3-765/24 od 31.05.2024. godine, putem konkurentskog zahtjeva i Obavještenja o nabavci, broj: 405-7-1-144-3-56/24 od 31.5.2024. godine (Sl. glasnik BiH broj: 39/24), dodjeljuje se ugovor za nabavku strunjača za džudo za potrebe Policijske akademije FMUP-a.

II
Ugovor za nabavku strunjača za džudo za potrebe Policijske akademije FMUP-a, dodjeljuje se ponuđaču „MIGROS“ d.o.o. Sarajevo, koji je dostavio najnižu cijenu ponude u iznosu od 27.500,00 KM bez obračunatog PDV-a, odnosno 32.175,00 KM sa obračunatim PDV-om i koji ispunjava sve uvjete predviđene Tenderskom dokumentacijom.

III
Obavezuje se Sektor za materijalno-finansijske poslove Federalnog ministarstva unutrašnjih poslova/Federalnog ministarstva unutarnjih poslova, da shodno Zakonu o javnim nabavkama pripremi sve potrebne akte za sklapanje Ugovora sa ponuđačem „MIGROS“ d.o.o. Sarajevo.

IV
Ova Odluka objavit će se na web stranici Federalnog ministarstva unutrašnjih poslova u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u postupku javne nabavke.

V
Ova Odluka stupa na snagu danom donošenja.



Obrazloženje

Rješenjem Federalnog ministra unutrašnjih poslova, broj: 01-07-07/2-11-3-1766/23 od 19.10.2023. godine, formirana je Komisija za provođenje postupka nabavke svih roba, usluga i radova za 2024. godinu i 2025. godinu putem konkurentskog zahtjeva za dostavu ponuda za potrebe Federalnog ministarstva unutrašnjih poslova – Federalnog ministarstva unutarnjih poslova. Odlukom o pokretanju postupka javne nabavke strunjača za džudo za potrebe Policijske akademije FMUP-a broj: 01-06-06/3-11-3-765/24 od 31.05.2024. godine i Obavještenja o nabavci broj: 405-7-1-144-3-56/24 od 31.5.2024. godine pokrenut je postupak javne nabavke.

Komisija je dana 13.6.2024. godine obavila postupak javnog otvaranja prispjelih ponuda u cilju izbora najpovoljnije ponude za javnu nabavku strunjača za džudo za potrebe Policijske akademije FMUP-a. Komisija je konstatovala da su za predviđenu nabavku pristigle tri (3) blagovremene ponude i to:

1. Ponuđač „AQUABALKAN“ d.o.o. Konjic
2. Ponuđač „MIGROS“ d.o.o. Sarajevo
3. Ponuđač „TOP SPORT“ d.o.o. Bijeljina

Komisija je konstatovala sljedeće:

1. Ponuda ponuđača „AQUABALKAN“ d.o.o. Konjic, za javnu nabavku strunjača za džudo za potrebe Policijske akademije FMUP-a putem konkurentskog zahtjeva iznosi: **29.920,00 KM bez PDV-a, (PDV: 5.086,40 KM), odnosno 35.006,40 KM sa PDV-om (bez popusta)** i uklapa se u procijenjenu vrijednost javne nabavke od 30.000,00 KM bez PDV-a.

Ponuđač „AQUABALKAN“ d.o.o. Konjic je ispunio sve kvalifikacione uslove iz Tenderske dokumentacije za konkurentski zahtjev za dostavu ponuda za nabavku strunjača za džudo za potrebe Policijske akademije FMUP-a.

*Ponuda ovog ponuđača je **prihvatljiva** za ugovorni organ i ista je bila predmet dalje evaluacije ponuda.*

2. Ponuda ponuđača „MIGROS“ d.o.o. Sarajevo, za javnu nabavku strunjača za džudo za potrebe Policijske akademije FMUP-a putem konkurentskog zahtjeva iznosi: **27.500,00 KM bez PDV-a, (PDV: 4.675,00 KM), odnosno 32.175,00 KM sa PDV-om (bez popusta)** i uklapa se u procijenjenu vrijednost javne nabavke od 30.000,00 KM bez PDV-a.

Ponuđač „MIGROS“ d.o.o. Sarajevo je ispunio sve kvalifikacione uslove iz Tenderske dokumentacije za konkurentski zahtjev za dostavu ponuda za nabavku strunjača za džudo za potrebe Policijske akademije FMUP-a.

*Ponuda ovog ponuđača je **prihvatljiva** za ugovorni organ i ista je bila predmet dalje evaluacije ponuda.*

3. Ponuda ponuđača „TOP SPORT“ d.o.o. Bijeljina, za javnu nabavku strunjača za džudo za potrebe Policijske akademije FMUP-a putem konkurentskog zahtjeva iznosi: **29.997,00 KM bez PDV-a, (PDV: 5.099,49 KM), odnosno 35.096,49 KM sa PDV-om (bez popusta)** i uklapa se u procijenjenu vrijednost javne nabavke od 30.000,00 KM bez PDV-a.

Ponuđač „TOP SPORT“ d.o.o. Bijeljina nije ispunio sve kvalifikacione uslove iz Tenderske dokumentacije za konkurentski zahtjev za dostavu ponuda za nabavku strunjača za džudo za potrebe Policijske akademije FMUP-a, jer ovaj ponuđač nije dostavio sve potrebne dokumente – dokaze tražene u odjeljku d) **PODACI O PONUDI**:

n) Potpisanu i ovjerenu izjavu od strane dobavljača da se obavezuju da će, ukoliko bude izabran, dostaviti u originalu garanciju za uredno izvršenje ugovora u vidu bezuslovne bankovne garancije prihvatljive od strane Federalnog ministarstva unutrašnjih/unutarnjih poslova u iznosu od 10% vrijednosti ugovora sa rokom važnosti: 120 dana od dana obostranog potpisivanja ugovora.

r) Izjava o namjeri podugovaranja.

Ponuda ovog ponuđača **nije prihvatljiva** za ugovorni organ i ista nije bila predmet dalje evaluacije ponuda.

Shodno kriteriju za dodjelu Ugovora (najniža cijena) predmetnom tenderskom dokumentacijom je predviđena e-aukcija, za koju je Komisija nadležnoj službi 20.6.2024. godine dostavila zahtjev za njeno zakazivanje, a koja je održana 24.6.2024. godine sa početkom u 12,00 sati, te je po završetku iste formirana rang lista prihvatljivih ponuda sa cijenama kako slijedi:

KONAČNA RANG LISTA PONUĐAČA KOJI SU UČESTVOVALI U E-AUKCIJI

Red. br.	Naziv ponuđača	Konačna cijena u KM bez PDV-a	Umanjenje cijene	Rang
1.	„MIGROS“ d.o.o. Sarajevo	27.500,00 KM	0%	1
2.	AQUABALKAN“ d.o.o. Konjic	29.920,00 KM	0%	2

Shodno navedenom, a kako je ponuđač „MIGROS“ d.o.o. Sarajevo dostavio prihvatljivu ponudu sa najnižom cijenom u iznosu od 27.500,00 KM bez obračunatog PDV-a, te se ponuđena cijena uklapa u procijenjenu vrijednost javne nabavke u iznosu od 30.000,00 KM bez obračunatog PDV-a, u skladu sa članom 64. stav (1) tačka b) i članom 69. stav (1) tačka a) Zakona o javnim nabavkama BiH, odlučeno je kao u dispozitivu ove odluke.

Pouka o pravnom lijeku: Protiv ove Odluke dopuštena je žalba koja se može izjaviti Uredu za razmatranje žalbi BiH, u pisanoj formi u roku od 5 (pet) dana od dana prijema iste. Žalba se podnosi putem Ugovornog organa u 3 (tri) primjerka).

Dostaviti:

1. Ponuđačima x3,
2. Sektoru za materijalno - finansijske poslove FMUP-a,
3. Kabinet ministra, Odsjek za odnose sa javnošću
(za potrebe objave na internetskoj stranici FMUP-a-Ugovornog organa)
4. U spis
5. a/a

MINISTAR
dr. sc. Ramo Isak

SM/ZK

FMUP- ODL